

La BCG cun in ferm resultat ed ina distribuziun da 115 milliuns francs l'onn da giubileum

Cuira, ils 7 da favrer 2020 – La Banca Chantunala Grischuna (BCG) ha realisà in fitg bun resultat l'onn da gestiun 2019. Ella ha pudì mantegnair il gudogn dal concern ed augmentar vinavant la productividad. La banca preschenta ultra dal resultat annual che surpassa las spetgas ina dividenda da giubileum supplementara da CHF 15.0 miu. sco act inizial per il giubileum da 150 onns.

Las cifras distinctivas:

- gudogn dal concern: CHF 185.5 miu. / +0.2%
- resultat da fatschenta CHF 201.8 miu. / +2.9%
- gudogn net avant las reservas excl. minoritads: CHF 186.9 miu. / -5.6%
- afflussiun da novs daners: CHF +184.3 miu.
- creschientscha da las ipotecas CHF +381.9 miu. / +2.2%
- relaziun da custs e d'entradas I: 46.0%; relaziun da custs e d'entradas II (incl. amortisaziuns): 49.6%

Il president da la banca Peter Fanconi è fitg cuntent cun il svilup da la BCG: «Ils ultims onns avain nus lantschà e realisà cun success differentas iniziativas strategicas. Grazia a sias participaziuns operescha la BCG or d'ina posiziun da fermezza quai che riguarda l'effizienz, l'utilisaziun dal potenzial sco era la creschientscha e la diversificaziun.» Il CEO Daniel Fust ha grond plaschair da ses emprim resultat da fatschenta: «Nus avain pudì mantegnair il gudogn dal concern sin in fitg bun nivel ed augmentar la productividad. Nossa strategia da participaziuns maioritaras a l'Albin Kistler AG ed a la Banca privata Bellerive è sa pajada. Cun contribuir dapli al resultat han las participaziuns cumpensà dal tuttafatg ils retgav pli pitschens en la fatschenta da tschains.»

Fatschenta da tschains: l'ambient da tschains negativ è ina chargia

Il resultat da la fatschenta da tschains (CHF 251.6 miu.) è sa reduci per 3.0% en emprima lingia sin fundament da la politica da tschains negativs. En la fatschenta dals emprests a la clientella ha l'augment pudì cumpensar stgarsamain l'erosiun da las marschas. Ils tschains negativs èn vegnids charginads vinavant a moda fitg modesta als deposits da clients.

Fatschenta da cumissiuns: ina ferma contribuziun al retgav da l'Albin Kistler AG

Il resultat da la fatschenta da cumissiuns e da servetschs è creschi per 26.0% sin CHF 134.2 miu. (CHF +27.7 miu.). La consolidaziun cumplina d'in resultat da record da l'Albin Kistler sur in entir onn declera en emprima lingia il svilup impressiunant dal retgav. Ils martgads d'aczias surproporzionalmain positivs han sustegni il pass da svilup strategic en la fatschenta d'investiziuns: il volumen d'investiziuns e l'intensidad dal retgav èn s'augmentads considerablmain. La banca ha surpassà la finamira strategica da generar 30% dal retgav en la fatschenta da cumissiuns. Questa quota è s'augmentada l'onn da gestiun sin 32.7% (onn precedent: 27.7%).

Ulteriur resultat: retgavs supplementars grazia als martgads d'aczijs

La performance als martgads d'aczijs ha stimulà l'ulteriur resultat ordinari (CHF +4.7 miu. / +61.2%). Il motor essenzial è stadas las atgnas investiziuns finanzialas en vaglias cun ina contribuziun positiva al resultat da CHF 5.1 miu. (onn precedent: CHF -1.1 miu.).

Custs da fatschenta: augmentà vinavant la productivitat

Ils custs da fatschenta inclus l'indemnisaziun da la garanzia statala è creschids visavi l'onn precedent per 5.0% u CHF 9.0 miu. La gronda part da l'augment dals custs, numnadamain CHF +8.6 miu., è d'attribuir a la consolidaziun cumplaina da l'Albin Kistler sur in entir onn. Senza ils facturs speziels èn ils custs da fatschenta pli bass che l'onn precedent. La relaziun da custs e d'entradas I (senza amortisaziuns) ha muntà a 46.0%. La relaziun da custs e d'entradas II resta cun 49.6% (onn precedent: 49.9%) vinavant sut la marca da 50%. Quai demussa a moda impressiunanta la disciplina da custs e l'effizienz.

Resultat da fatschenta: il resultat operativ dal concern è creschì sin CHF 201.8 miu.

Il resultat da fatschenta, sco mesira per il success operativ, è s'augmentà per +2.9% sin CHF 201.8 miu. visavi l'onn precedent (CHF 196.1 miu.). La participaziun maioritara a l'Albin Kistler ha contribuì ina summa considerablamain pli auta che l'onn precedent. Ils retgavs pli pitschens da la fatschenta da tschains e da ristgas han tras quai pudì vegnir cumpensads.

Gudogn dal concern: CHF 185.5 miu. / +0.2 pertschient

Il gudogn dal concern preschentà (inclus minoritads) ha pudì vegnir mantegnì sin in aut nivel (CHF 185.5 miu./+0.2%). L'impurtanza pli gronda da la fatschenta d'investiziuns ha pussibilità a la BCG da nizzegiar il schlantsch dals martgads da chapital. Cun in gudogn dal concern da CHF 186.9 miu. (CHF -11.1 miu.) avant la furmaziun da reservas (exclus minoritads) n'ha la banca sco spetgà betg pudì cuntanscher il resultat da l'onn precedent.

Emprests a la clientella: l'augment è d'attribuir a la fatschenta extrachantunala

Ils emprasts a la clientella èn s'augmentads per 1.9%. L'augment modest è d'attribuir a la dinamica tschessanta en la construcziun d'abitaziuns en il chantun Grischun. Ipotecas extrachantunalas d'emprima qualitat han gidà essenzialmain a diversifitgar il portfolio dals emprasts.

Facultad da la clientella: s'augmentada per CHF 2.9 mia. sin CHF 36.2 mia.

La facultad da la clientella da CHF 36.2 mia. (+8.8% / CHF +2.9 mia.) è vegnida influenzada positivamain en emprima lingia tras la performance dals martgads. Il svilup dals daners nets da CHF +184.3 miu. (onn precedent CHF +924.6 miu.) è restà cleramain pli flaivel che l'onn precedent. Cun inchargiar a moda pli vasta ils daners novs ed ils auts saldos da conto cun tschains negativs ha la banca prendì en cumpra sapientivamain in augment pli bass.

Dotaziun d'agen chapital: excellenta quota dal chapital essenzial da 20.9 pertschient

La BCG ha la finamira da sa differenziar a moda positiva dal martgà cun ina dotaziun d'agen chapital surproporziunala. La quota da chapital validada munta a 20.9% (relaziun CET 1) e sa cumpona cumplainamain da chapital essenzial ferm. Cumpareglià cun la quota pretendida dal dretg da controlla da 12.9% dispona la banca damai da grondas reservas d'agens meds.

Distribuziun: dividenda da CHF 40.00 plus dividenda da giubileum da CHF 6.00

Il resultat legraivel pussibilitescha a la banca da mantegnair la dividenda da CHF 40.00. Sco mussament d'engraziaivladad e da stima envers il chantun Grischun e las purtadras ed ils purtaders da scrits da participaziun vegn distribuida da las reservas l'onn da giubileum ina dividenda speziala da CHF 6.00. Per personas privatas n'è questa dividenda da giubileum betg suttamessa a la taglia. En total vegnan pajads via dividendas e dividendas spezialas CHF 115.0 miu. al chantun Grischun ed als participants. Il chantun Grischun survegn inclus la dividenda speziala e l'indemnisaziun da la garanzia statale CHF 100 miu. (CHF +12.5 miu.). Al fond da contribuziuns per projects nuncommerzials dals champs cultura, utilitad publica, sport, economia, turissem e societad è vegnids assegnads danovamain CHF 3.2 miu.

In sguard en il 2020

Resguardond l'ambient economic parta la banca dal fatg ch'ins possia mantegnair il nivel actual dal gudogn dal concern. Sch'ils martgads d'acziun sa sviluppan en il rom da la media dals ultims onns, sa reducescha il gudogn per scrit da participaziun levamain sin ca. CHF 72.50.

Metter accents l'onn da giubileum

La BCG festivescha quest onn ses giubileum da 150 onns tenor il motto «Metter accents persistents per l'avegnir». La banca engrazia cun differents projects en connex cun ils temas aua, natira e persistenza sco era cun in engaschament augmentà sin ils champs cultura ed economia. Infurmaziuns actualas davart il giubileum da la BCG datti sin gkb2020.ch u en las medias socialas cun il hashtag #gkb2020.

Contact per ils collavuradors da medias e per investurs:

Banca Chantunala Grischuna, Medias & Investor Relations, chascha postale, 7001 Cuira

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, Telefon +41 81 256 88 01

Plutarch Chiotopoulos, plutarch.chiotopoulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 1010 collavuraturas e collavuradors (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 28,5 milliardas in gudogn dal concern da CHF 185,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	25 d'avrigl 2020
Rendaquint semestral 2020:	23 da fanadur 2020
